



IZTUETA MENDIZABAL familia

BIOSOLA Egileor auzoko baserria da. Bere inguruko baso eta zelaian izenen artean daukagu *Muittondo*, *Amandre* edo *Etxaburu*. Bertakoek diotenagatik baserriaren izenak "Bide atzeko ola" adierazten omen du.

Oinez herriko plazara eta lantegira (Bilorera) ordu erdi dago. Auzoko bidea 1970ean egin zuten. Baserritik kanpo egin zuten lan anaia-arreba guztiek hamabost urtetik aurrera. Baina baserrian bazituzten zortzi behi eta bi idi, eta artoa, garia eta barazkiak saltzen zituzten Ordiziko ferian. 1955 inguruan, artean, baserritik bizi ziren. Orduan esaten omen zen ehun oilorekin jornala atera zitekeela, beraz, oilategia jarri zuten martxan. Gero aita Biloren hasi zen lanean 1972an. Hala ere, oraindik jarraitzen diote baserriko bizimoduari eta gaur egun eusko label kalitateko ekoizleak dira.

Biosolakoak etxe jabe dira 1927az geroztik. 1927an saltzeko jarri zenean, aurrena, *Txapeletxekoek* erosi omen zuten, eta gero beraiek, lehengo prezioan baina sail gutxiagorekin. 1930ean egin zituzten konponketak eta baserria handitu egin zuten.

Biosolan Jauregi Zurutuza familia bizi zen eta 1927an Iztueta Jauregi familia osatu zen. Joxe Martin Iztueta ezkondu zen bertako alaba zen Frantziska Jauregirekin, eta *Biosolan* jarri ziren bizi izaten. Ezkontza Zaldibin egin zuten, otordua *Estanko* tabernan eta ezkontza-bidaia Donostiara. Baserrian, artean, ama eta anaia-arrebetako bat bizi ziren. Batak bederatzi urte egin zituen etxean eta besteak hogeita bederatzi.

Hurrengo belaunaldian Iztueta Mendizabal familia osatu zen. Joan Migel Iztueta, bertako semea, Joana Mendizabalekin ezkondu zen.

Lau seme-alaba izan zituzten: Joanjo, Axun, Gema eta Antton.



Informazio emaillea: Axun Iztueta



JAUREGI ZURUTUZA familia

Luziano Elustondo, Martin Jauregi, Joan Migel Iztueta, Joan Antonio Larrinaga, Joan Manuel Iztueta / Juli, Joxepa Jauregi, Frantziska Jauregi, Anttoni Jauregi eta Karmen Jauregi.



IZTUETA MENDIZABAL familia

Joana Mendizabal (ama), Antton (besoetan), Joan Migel Iztueta (aita), Frantziska Jauregi (amona) / Axun, Gema eta Joanjo.